

**MINISTER WYATT-RAS A
DUNA ACLARACION DEN
PARLAMENTO RIBA CUIDO DI
ADULTO MAYOR NA ARUBA**



WWW.SOLODIPUEBLO.COM



SOLODIPUEBLO@GMAIL.COM

Parlamentario Evelyn Wever-Croes

**BANDA DI FRACCION DI MEP Y PPA, MAS HENDE
A DEMOSTRA NAN
AMOR PA PAIS ARUBA,
EXPRESANDO DI NO
TA SOSTENE E LEY DI
REINO HOFA**




**CANDELA GRANDI
PABOU DI DAM NA MOKO**



Otmar Oduber:

**“TA ORA PA UNI FORSA NACIONAL
PA DEFENDE NOS STATUS APARTE,
NOS AUTONOMIA Y NOS DIGNIDAD”**



CANDELA GRANDI PABOU DI DAM NA MOKO



MOKO - Diamars anochi laat polis y brandweer a sali pa un candela hopi grandi pabou di e dama na Moko.

E candela aki por a wordo mira di leu, esta un parti oraño den shelo den e area di Moko.

Na e momento ey, e biento a cay casi por completo, duna un ventaha na e bomberonan pa contene e candela, evitando e di sigui cana.

Unda e candela a cuminsa, ta mustra manera un

"dump" chikito bay aden. E candela mes a cuminsa basta paden di unda auto ta pasa.

Brandweer aunke no tin biento, lo bay tin basta trabou pa paga e candela aki cu ta grandi.

FUNDACION ZINNIA TA PRESENTA E NOBO LOGO DI "AMIGO DIDI": UN SIMBOLO DI RESPONSABILIDAD DEN TRAFICO

Fundacion Zinnia ta anuncia oficialmente e lansamento di e nobo logo di "Amigo Didi", marcando un paso importante den e desaroyo di e programa emblematico, cu ta promove seguridad y comportacion responsabel riba e camindanan na Aruba. E nobo logo ta simbolisa un renobacion visual y spiritual y Amigo Didi ta resorta awor completamente bou di Fundacion Zinnia.

"Amigo Didi" a nace como un proyecto di conscientisacion social


pa inspira y motiva nos hendenan pa semper tin un "amigo asigna", un persona cu ta sali cu bo, pero no ta bebe, pa asina tur hende por yega cas safe. E mensahe di Amigo Didi ta simpel, pero poderoso: no bebe y stuur, pensa riba bo bida y esun di otro.

"E nobo logo ta representa un comienso nobo y un compromiso renoba cu seguridad den trafico y bida di cada un di nos," segun Michella Croes Matos, representante di Fundacion Zinnia. "Pa medio di Amigo Didi,

nos kier sigui inspira un cultura di responsabilidad y cuido entre nos hendenan, specialmente durante e temporada festivo."

E diseño nobo ta keda fiel na e alegria y amabilidad cu ta caracteriza Amigo Didi, pero awor cu un toke moderno y inclusive, cu ta refleha e mision di Fundacion Zinnia: promove respet, empatia y seguridad pa tur hende riba nos careteranan.

Fundacion Zinnia ta gradici tur partner y sostenedor, cu ta sigui kere den e mision aki, pa promove



un estilo di bida mas safe y responsabel riba e careteranan na Aruba.

Parlamentario Evelyn Wever-Croes

Durante un reunion den Parlamento pa trata e ley di Reino di consensus HOFA

BANDA DI FRACCION DI MEP Y PPA, MAS HENDE A DEMOSTRA NAN AMOR PA PAIS ARUBA, EXPRESANDO DI NO TA SOSTENE E LEY DI REINO HOFA

— Diamars anochi despues di un dia largo di reunionnan den Parlamento pa trata e ley di Reino di consensus di HOFA, Parlamentario Evelyn Wever-Croes a duna un recap di con e dia a bay. Na prome lugá Wever-Croes a felicita y gradici e sindicatonan pa un tremendo exposicion di nan ponencianan y preocupacionnan, mustrandó asina nan balentia y amor pa nan miembronan y pa pais Aruba. Sigur un momento na unda miembronan por ta orguyoso di tin lidernan asina pa representanan.

Parlamentario Wever-Croes a expresa cu e acto di sindicatonan aki ta un muestra cu no ta solamente fraccion di MEP y PPA ta contra sino tambe e

sindicatonan. Pa cu esaki, Parlamentario Wever-Croes a haci e pregunta na Prome Minister Eman, cu mirando cu no ta solamente oposicion ta contra sino mas hende di su pueblo, no ta momento pa e para un rato y recapacita? E profesor a recomenda pa na momento cu bo ta bayendo den un mal direccion, ta miho pa bo para bay bek, enbes di sigui den e direccion ekiboca, y esaki ta hustamente loke fraccion di MEP a pidi Prome Minister Eman.

Durante e reunion señor Mike de Meza y mas parlamentario tambe a expresa di no ta sostene e ley aki, resultando asina cu e coalicion a bay hopi kibra y sin argumento. Nan a sconde un biaha bou saya di MEP cual ta indica



tambe cu nan mes no ta sostene e ley aki.

Parlamentario Wever-Croes a indica tambe cu e nivel den Parlamento tabata uno hopi baho cu atakenan y nombramento di nombrenan mahos contra su persona. “A pesar di e nivel aki, mi tin hopi speranza den mi curason, paso mi sa cu tin hopi hende cu ta stima

Aruba, y esaki ta dunami e speranza cu e ley aki no ta bay drenta na vigor” Wever-Croes a expresa.

Actualmente Gobierno no tin consensus pa cu e ley aki, y nan no a haya esaki durante e reunion den Parlamento tampoco. Mas pio ainda ta cu nan no tin consensus entre e ministernan paso ni e papel mas importante cu ta

e decision di ministerraad, prome cu Minister Gerlien Croes of Prome Minister Mike Eman a entrega na Hulanda, nan no tin.

Esaki ta un error sumamente grandi cu ta mustra cu desafortunadamente Aruba ta conta cu un gobierno con cu ta, di ken cu ta, y cu ta haci kico cu ta.

MERCADO DI BUKI SEGUNDA MANO PA TUR!

Biblioteca Nacional Aruba (BNA) ta invita un y tur pa su Mercado grandi di buki. Biblioteca na Playa ta warda tur bishitante y amante di buki. Tin un gran variedad di buki segunda mano, hopi storia y informacion y aventura den buki na granel.

Por busca trankilamente pa e bukinan perfecto y cumpra na 1 florin. Pasa gosa cu famia y amigo den un bon ambiente y relaha un rato y yena bo tas cu bon buki.



MINISTER WYATT-RAS A DUNA ACLARACION DEN PARLAMENTO RIBA CUIDO DI ADULTO MAYOR NA ARUBA



Oranjestad, 28 di october 2025 – Minister di Salubridad Publico, Asuntonan Social, Cuido di Adulto Mayor y Maneho di Adiccion, sra. drs. Melvin Wyatt-Ras, tabata presente dialuna den Parlamento durante un reunion publico (openbare bijeenkomst) tocante e situacion actual di cuidu di adulto mayor na Aruba.

E sesion tabata pa duna un actualisacion despues di e programa di NOS cu a trata e tema di cuidu

di grandinan na Aruba. Durante e reunion, a wordo presenta e trabou cu ta wordo haci pa mehora e sistema di cuidu y atencion na casnan di cuidu na Aruba.

Minister Wyatt-Ras tabata acompaña pa Sra. Desiree Helder, Directora di Directie Ouderenzaken, y Sra. Dorylee Pappers Lopez-Penha, Inspecteur di Inspectie Volksgezondheid Aruba (IVA). Ambos a duna presentacion riba e esfuerso y prioridadnan actual den cuidu di

adulto mayor, incluyendo exigencianan di calidad, e formacion di un comision pa percursa cu casnan di cuidu ta na altura di e reglanan y standardnan den cuidu di adulto mayor.

Minister Wyatt-Ras a enfatisa cu ta un prioridad pa e ministerio pa fortalece e sistema pa cu adultonan mayor por keda mas largo na cas, via sosten na famia, mantelzorg y pasadianan, pa asina mantene e bienestar y dignidad di e adulto mayor.

Minister Wyatt-Ras a aclaria cu Inspectie Volksgezondheid Aruba (IVA) ta atende tur keho cu ta yega cerca nan, y cu na e momento di e programa di NOS no tabata tin keho entrega na IVA, pues e informacion cu a wordo presenta no tabata completo.



Minister a enfatisa cu si no entrega keho, ta dificil pa haci investigacion, pero cu e ministerio, conhuntamente cu e instancianan concerni, ta sigui monitorea e situacion den casnan di cuidu.

Despues di 7 aña, nos a haya un sistema di cuidu di adulto mayor den estado di deterioro. Minister Wyatt-Ras a subraya cu e ministerio actual ta trahando pa restaura structura y calidad den e sector, y pa brinda un

atencion digno y sostenibel pa nos adultonan mayor.

Minister Wyatt-Ras a agrega cu apesar di critica di oposicion, e maneho actual ta basa riba transparencia, y lo entrega tur informacion y exigencianan di calidad na momento cu tin nan cla na Parlamento pa por ricibi feedback riba esaki. Ela expresa su agradecimiento na e miembronan di Parlamento cu ta mira e bon direccion di e maneho actual.

“IBISA PRESENTE NA E WORKSHOP PA MAESTRO NAN DI SKOA”

For di 21 te 24 di oktober 2025, Team SaBoNumber (SBN) cu ta un colaboracion entre Praktijkondersteuners Huisartsen (POH), Directie Volksgezondheid (DVG) y Instituto Biba Saludabel y Activo (IBiSA), a duna nan sosten na e workshop pa maestro nan di SKOA, cu a tuma lugar na diferente localidadnan.

Durante e dianan aki, Team SaBoNumber, a duna servicio di chekeo di salud na e maestro cu a participa na e sesionnan.

Team sbn a duna e chekeonan di salud siguiente:

- 21 di oktober na Sint Paulus School na San Nicolas
- 22 di oktober na Colegio San Antonio na Santa Cruz
- 24 di oktober na Sint Aloysius School na Noord

Durante e chekeonan, e team a midi: peso, haltura, cintura, BMI,

glucose (sucu den sanger) y presion di sanger.

Tur participante a ricibi nan resultado mesora y a haya posibilidad pa tuma flyers cu informacion riba cuidu di nan saud.

Ademas, Team SBN a wordo acompaña pa Aruba Vision Center, cu a duna nan servicio di control di presion di wowo durante e actividadnan.



ARUBA NA PICKLEBALL WORLD CUP 2025

For di 27 di October 2025 pa 2 di November 2025 na The Fort na Fort Lauderdale, Florida e team di Aruba ta participa hunto cu 67 otro pais na e Pickleball World Cup 2025.

Ta trata aki di e team consistiendo di: Jason Farro, Derrick Hernandez, Michaëlle "Matrix" Martilia (Captain Team Aruba), Jan "Martin" Appeldoorn, Mel Paskel, Yi Yu "Amira" Chen, Luigi Heredia, Derrick Lopez, Yandric Webb, Joselyn Farro, David Puriel (Player+Coach).

E torneo ta dos evento den uno cu ta e International Pickleball Tournament 2025, cual tur hende por hunga contra otro na diferente nivel y bo tin e Pickleball World Cup 2025 unda bo tin e mihor hungadonan di cada pais bou di un DUPR (Dynamic Universal Pickleball Rating) di

5.5 cu ta representa nan pais.

E mensahe di team Aruba ta pa tur hende uni y sostene cada un di nos hungadonan local no solamente den Pickleball pero tur deporte cu nos ta representa nos dushi isla aden! Laga nos tur sostene otro! Aruba, Ariba!

Un danki masha grandi di curason ta bay na tur sponsor cu a kere den nan y a sostene nan.

Danki Costa Linda Beach Resort, Boardwalk Boutique Hotel, Hyatt Regency Aruba Resort, ASTEC, Aruba Airport Authority, Aruba Port Authority, Stichting Sports subsidie Aruba, Hernandez Dental Clinic, All Care Dental Clinic, Mr & Mrs. Reedy from Canada, Yong Xing Supermarket y Vanguard.



DIABIerna AWO NOS TUR TA BAY BEK CAYA EDICION DI HALLOWEEN

Gabinete AVP-Futuro hunto cu comerciantenan den Caya Grandi ta anuncia e siguiente edicion di Ban Bek Caya cu lo tuma luga diabierna awo dia 31 di october di 6 or di atardi pa 10 or di anochi.

Mirando e exito rotundo di e prome Ban Bek Caya, cu a conta cu alrededor di 5 mil hende cu a sali for di cas y a bay haci compras y disfruta di e ambiente, Gobierno di Aruba, Departamento di Cultura y Aruba Tourism Authority, ta organisando un otro edicion.

Atrobe lo tin oferta special durante e shopping night. Ademas lo tin un variedad amplio di cuminda y entretenimento den Caya grandi, cuminsando na Plaza Daniel Leo te cu Djiespie's Place sigui riba Columbusstraat y Wilhelminastraat.

Caya Grandi lo tin evento den tur skina:

Cuminsando for di Plaza Daniel Leo lo tin 1-OAK, DJ Devin, DJ Ramiro, special halloween Mojito happy hour di 4 pm pa 10pm. Pehna lo tin Lilo and Stich. Happy Spot y Polo lo tin DJ Alvin.

Na Dufry lo tin dino jump pa nos muchanan. Plaza La Linda lo DJ Double R riba stage como tambe Ozone Band y hopi na food & beverage. Mas memey di Caya Grandi na Maggy's lo tin diferente oferta y tambe DJ Vanessa.

Ana Catharina cu ta un "hot spot" nobo den Caya Grandi lo tin Cookout, Little One, Mint, Lime & Beans, Liquid Chef. Plaza Pro Fashion lo tin actividad pa mucha. Aruba Trading Company lo ta na ex-Burger King cu nan Cerbes Presidente acompaña pa DJ T. E ambiente di Ban Bek Caya ta sigui ta na Plaza Cultura unda lo tin Trunk Trick or Treat y DJ 297.



Plaza Nikkie Habibe na Djiespies Place lo tin e banda Azucar cu ambiente pa nos grandinan cu tambe por disfrasa, baila y goza. Plaza Comercio riba Columbusstraat te na Wilhelminastraat lo tin ambiente di I Culture Roots - Reggae Band y DJ Splash. Lo tin Dino Jump p'e muchanan, artesanía y producto local. Ademas un Tuc Tuc di Balashi pa refresca e garganta. Varios restaurant den

Wilhelminastraat lo ta habri tambe e.o. Universal Restaurant, El Gaucho

Pepe Margo, Taste of Aruba, Old Dutch Bakery y Suiker Tuintje.

Ademas lo tin varios tent reparti strategicamente riba e ruta den Caya Grandi y varios kiosko di productonan artesanal produci localmente. Diabierna awo, Caya Betico Croes bin un y tur disfrasa pa celebra hunto Halloween!

Parlamentario Eduard Pieters (PPA):

UN ENCUENTRO HISTORICO: E BOS DI PUEBLO A ZONA DEN SALA DI ATIA

Ayera atardi, na edificio di ATIA, un grupo importante di mas cu 14 gremio sindical y comercial a reuni cu Partido Patriotico Arubano (PPA) pa un dialogo habri y respetuoso tocante e Rijkswet HOFA. Segun Parlamentario Eduard Pieters, e reunion a muestra claramente un solo cos: pueblo di Aruba ta wak, ta compronde y no lo permiti pa sigui fomenta miedo sin tin base huridico y constitucional. “Un pueblo culto, hamas por ta venci y ni cuanto bo purba di hinca miedo den nos hendenan, bo no ta logra,” Eduard Pieters a vocifera cu emocion y determinacion. Un pueblo cansa di falta di transparencia

Durante e reunion, e gremionan a expresa claramente e confusion cu ta reina den comunidad. Nan no ta compronde con un Prome Minister kier hinca miedo den su propio pueblo”, cu argumento cu Aruba lo perde su paspoort, of cu nos ta dañá nos relacion cu Reino Hulandes, si nos opone na e ley HOFA. Nan a compronde cu esey no ta manera pa goberna ni pa lidera un pais. E ‘modus operandi’

actual, segun nan, no ta corecto ni beneficioso pa futuro di Aruba.

“E pueblo di Aruba no ta pidi confrontacion,” Pieters a señala, “sino nan ta pidi transparencia, respet y claridad.” PPA ta sali pa Aruba

For di prome y den henter periodo di eleccion, PPA a para firme contra e Rijkswet. Awe e mensahe ta mesun: “Nos no ta bay entrega nos autonomia, sin haci te e ultimo intento pa para esaki.” Pieters a recorda cu hopi politico di antes a lucha incansabel pa logra e Status Aparte y esey no por ta destrui awe den nomber di un ley, cu ta kita poder for di man di Parlamento di Aruba. “E pueblo di Aruba mester sa un cos: HOFA no ta un ley tecnico, ta un ley politico cu ta toca nos dignidad como pais. Si nos firma esaki, nos ta firma cu nos mes no ta capaz di maneha nos asunto interno,” Pieters a insisti.

E ta agrega cu PPA lo sigui defende y boga pa un Frente Nacional, unda tur partido, sindicato y ciudadano por uni, pa para e proceso aki, cu no



ta ni siguiendo e palabracionnan haci for di 2022 na Hulanda, paso no tin un consentimiento di gran mayoria.

Uni forsa pa bienestar di Aruba E dialogo di ayera tabata djis e prologo di un movimiento, cu sigur lo por bira mas grandi. Pieters a anuncia cu diamars, durante e reunion di Parlamento, PPA lo trece e puntonan di e gremionan dilanti cu claridad y determinacion. “Nos lo presenta e preocupacionnan cu nos a tende, e falta di respet pa nos autonomia, e manera di comunica cu pueblo y e intento pa domina Aruba via miedo y kier impone algo for di ‘porta di cushina’. E pueblo ta cla:

Aruba no kier esaki.”

Na final di e atardi y sesion, Eduard Pieters a termina cu un mensahe di union y speranza:

“Nos no ta sali pa un color, ni pa un partido, nos ta sali pa Aruba. Pa e pais cu nos antepasadonan a sacrifica asina tanto y a logra nos Status Aparte, pa no perde tur loke a tuma asina tanto aña di lucha y cu ta determina nos autodeterminacion.”

“Nos por tin opinion diferente, pero nos mester keda corda cu nos ta huramenta pa un solo meta: protega nos pais, nos autonomia y nos dignidad,” Eduard Pieters a termina bisando.

LINDSAY HERNANDEZ TA EMPLEADO SUPERIOR DI ARUBA BANK

Oranjestad – 29 di oktober 2025 - Lindsay Hernandez ta empleado superior di Aruba Bank pa luna di September 2025. Un empleado cu a demostra dedicacion y iniciativa, logrando asina e reconocimiento aki.

E compromiso di Lindsay pa semper brinda un experiencia superior na cliente interno y externo di Aruba Bank ta refleha e balornan principal di e banco. Su

dedicacion y manera proactivo di traha ta crea un impacto positivo.

Den su tempo liber, Lindsay su pasion ta scouting, un hobby creativo cu ta duna inspiracion y posibilidad pa explora y siña mas di naturalesa.

Pabien, Lindsay, pa ta un empleado cu ta representa e bon cultura di servicio di Aruba Bank.



ENTRENADOR DI DESAROYO PA DEPORTE DI HISAMENTO DI PESO NA ARUBA

Aruba Amateur Weightlifting Association ta presenta entrenador
Yunel Caballero



Siman pasa a reuni cu e federacion di hisamento di peso, Aruba Amateur Weightlifting Association (AAWA). Presidente di AAWA Hugo Thermen hunto cu entrenador Laertes Araque a bin di bishita cu entrenador Cubano Yunel Caballero, cu ta na Aruba den cuadro di un proyecto hopi interesante. E federacionan continental di hisamento di pesas, Pan American Weightlifting Federation

(PAWF) lidera door di presidente Jose Quiñones, a cuminsa un proyecto unda lo asigna entrenador experiencia den ramo di desaroyo deportivo na diferente miembro den region Caribe pa asina yuda cu e desaroyo di e deporte di "Weightlifting". Entrenador Yunel a yega Aruba a traves di e proyecto aki y hunto cu AAWA lo traha pa asina busca y desaroya talento pa e deporte. Yunel lo ta

na Aruba pa dos luna y lo traha pa desaroyo plannan strategico pa asina bishita Aruba structuralmente pa yuda den e implementacion y ehecucion.

Di parti di Comité Olimpico Arubano ta desea entrenador Yunel Caballero y AAWA tur claso di exito cu e proyecto aki y manera a comparti duranta reunion, COA ta dispuesto pa yuda unda por. #TEAMARU

"BLOOMING BINGO" DI WOMEN'S CLUB OF ARUBA TABATA UN EXITO ROTUNDO!

Exitosamente Women's Club of Aruba (WCA) a organisa su evento "Blooming Bingo", pa recaudacion di fondo, riba diasabra 4 di october ultimo cu meta pa yuda e proyecto di Dress a Child.

Nos proyecto di Dress a Child, ta e proyecto di mas importante y ta alabes e Signature Project di WCA. E ta un proyecto dedica cu hopi amor na nos muchanan. Originalmente a cuminsa cu e proyecto aki na 1997, y su meta ta pa bisti muchanan di menos recurso pa temporada di Pasco y fin di aña.

E "Blooming Bingo" a ofrece Fls. 8,000,- na premionan cash y hopi otro premio, incluyendo un ticket di ida y buelta cu KLM Royal Dutch Airlines.

Ganadornan di e anochi aki tabata:
Premio 1 – Fls. 500 y 1 gift certificate di Universal Restaurant: Rosana Edita de Cuba

Premio 2 – Fls. 500 y 1 gift certificate di Pelican Adventure: John Largare

Premio 3 – Fls. 500 y 1 gift certificate di Dufry: Alexandra Alborno

Premio 4 – Fls. 500 y 1 gift certificate di Good Fortune Restaurant: Juselby Stamper

Premio 5 – Fls. 500 y 1 gift certificate di Blossoms: Zahaira Kransen & Joulyssa Wolff

Premio 6 – Fls. 500 y 1 gift certificate di Faith Footh Care by Vivianna: Rosana Edita de Cuba

Premio 7 – Fls. 500 y 1 gift certificate di Dufry: Carmen Segura

Premio 8 – Fls. 500 y 1 gift certificate di Driftwood



Restaurant: Myron v/d Linden

Premio 9 – Fls. 1000 y 1 dinner pa 2 na Aquarius: Lissandra Bislip

Premio 10 – Fls. 3.000 y 1 ticket di KLM (ida y buelta pa 1 persona): James Marcelino Boekhoudt

Di curason, comision di Ways & Means ta gradici tur sponsors;

entre otro Garage Centraal, Genair, Bestial, Xuxez Consultancy & Management, EMS (Event Medical Service), Giselle Department Store, miembro- y participantenan cu a contribui pa nos fundraising Bingo tabata un exito!

STRANHERONAN CU A DRENTA DI FORMA CLANDESTINO POR BOLBE NAN PAIS SIN HAYA PROHIBICION DI ENTRADA PA ARUBA DEN FUTURO

Diaranson mainta, Minister di Husticia mr. drs. Arthur Dowers a anuncia cu e proyecto di Hunto Pa Progreso ta drentando su ultimo dos lunanan. E maneho temporal di Hunto Pa Progreso ta dirigi riba personanan cu a drenta Aruba via aeropuerto y cu a "over stay" nan periodo di bishita na Aruba y a drenta e circuito ilegal. Esaki ta haci cu esnan cu a drenta di forma clandestino via por ehempel boto, lancha of hasta crucero, no ta bin na remarca pa ningun di e cuater trayectonan di

Hunto Pa Progreso.

Pa e grupo aki di persona indocumenta, Minister Dowers ta recomenda pa nan haci uzo di e areglo automatico di dispensacion cu ta na vigor pa esnan cu sali boluntariamente for di Aruba. E personanan aki lo no haya prohibicion pa drenta Aruba bek den futuro si nan bandona Aruba boluntariamente y lo por hasta bishita Aruba como turista pa corto tempo. Teniendo na cuenta cu na 2026 autoridadnan competente lo intensiva e controlnan

migratorio tur rond di Aruba, ta recomenda pa sali boluntariamente, paso esnan cu keda deporta pa autoridad, lo por haya un prohibicion di entrada cu un duracion di te cu 5 aña. Saliendo a base boluntario prome cu fin di 2025, ta duna e persona e posibilidad di drenta e trayecto regular di permiso di DIMAS na 2026.

Minister Dowers ta recomenda tur persona cu a drenta Aruba prome cu 1 di juli 2025 a traves di aeropuerto, pa haci uzo di e oportunidad unico



di Hunto Pa Progreso. Por haci cita riba www.dimasaruba.aw of yega DIMAS sin cita di 5'or te cu

8'or di anochi di dialuna pa diabierna. Ademas tin cita diasabra entre 9'or di mainta y 3'or di atardi.

Otmar Oduber:

“TA ORA PA UNI FORSA NACIONAL PA DEFENDE NOS STATUS APARTE, NOS AUTONOMIA Y NOS DIGNIDAD”

Durante e sesion cu a tuma lugar na ATIA, unda mas cu 14 gremio sindical y comercial a reuni cu Partido Patriotico Arubano (PPA), Otmar Oduber a expresa cla y raspa: “E unico dos caminda cu nos tin pa cana, nos a trece awe cla y raspa dilanti. Nos ta gradici e gremionan pa un dialogo habri y constructivo y cu ohala por yega na e meta final, pa tin un frente nacional, un union di tur pensamiento, sentimento y institucion cu por para tras di un solo meta: defende Aruba su autonomia.” Oduber a splica cu PPA a pidi e gremionan pa pone un standpunt oficial, pa Parlamento por sa kico ta nan opinion y sentimento den su totalidad riba e Rijkswet HOFA, pa asina Aruba por tuma un decision firme. No ta cuestion di politica; ta cuestion di nos pais

“Esaki no ta cuestion di baha gobierno, ni di wak ken ta gana credito,” Oduber a enfatisa. “Ta cuestion di defende loke nos antepasadonan a lucha p’e. Un lucha,

sacrificio, dedicacion y determinacion di mas cu 50 año, marcando nos historia di dolor y di orguyo pa nos por a logra nos Status Aparte.” Otmar Oduber di PPA a expresa su satisfaccion cu, den comparacion cu e reunion di juni y juli, e gremionan awe a sali cu un actitud di claridad y determinacion. “Awe nos a mira un cambio real. E gremionan cu antes tabata rabia, paso nan no tabatin informacion, awe nan ta mas orienta y ta compronde cu e silencio y manipulacion cu nos ta mira di banda di gobierno, no ta corecto ni pa pais ni pa pueblo.”

PPA ta para pa principio Otmar Oduber a muestra cu orguyo cu e esfuerzo di su partido PPA, aunke ta chikito den Parlamento, ta grandi den curashi, integridad y determinacion. “Nos ta e partido cu sin recurso grandi, pero cu un meta cla: defende pueblo y salvaguardia pueblo prome cu cualkier interes personal of partidista.” El a recorda cu tanto su fraccion como partido

a presenta oficialmente un Nota di Minoría, pa documenta y formalisa e posicion di PPA contra e Rijkswet HOFA.

“Awe mi ta sinti cu e mensahe ta yegando. Nos mensahe ta yegando na e profesionalnan, instancianan, gremionan y hasta nos ciudadano, cu tin amor sincero pa su pais.”

Un yamada serio: basta cu intimidacion y miedo Den un tono fuerte y emocional, Otmar Oduber a dirigi su palabra na e lidernan actual y particularmente na e Prome Minister. “Ora un lider no por convence su pueblo cu argumento, e no por bay uza miedo y intimidacion, paso esey ta un indicacion cla y raspa di desesperacion y no tin argumento mas pa uza pa purba convence pueblo di algo cu no ta bon.”

Oduber a referi na e palabranan di e Prome Minister cu a bisa cu si Aruba no ta firma e Rijkswet, nos ta perde nos paspoort, nos ta dañá nos relacionnan cu Reino y nos ta keda sin proteccion



den caso di menaza internacional entre Venezuela y Merca. “Tur eseynan ta un argumento fofo,” Oduber a indica. “E Prome Minister mes, cu a bay den hungersteking pa defende Aruba su autonomia, awe ta sinta tranquil cla pa entrega nos finansa na Hulanda? Esaki ta un contradiccion moral y patriótico.”

Nos autonomia ta proteha y Hulanda no por kita esaki!

Otmar Oduber a aclaria cu ningun gobierno Hulandes no tin poder legal pa kita Aruba for di Reino,

mucho menos pa kita nos paspoort Hulandes, of keda sin defende nos den cualkier situacion cu por surgi. “E Status Aparte cu nos a logra na 1986 ta huridicamente bon protegi den e Statuto di Reino. Aruba como pais autonomo ta e unico cu por dicide si e kier sigui den Reino of no. Hulanda no por impone esaki.” El a termina cu un mensahe di union y speranza: “Nos no ta bay entrega Aruba. Nos no ta bay entrega e sacrificio di nos antepasadonan. Ta ora pa para firme, sin miedo, sin division, pa nos pais.”

**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



FORTALEZA PA FAMILIA

Scirbi pa Pastor Marcel Balootje.

CUIDAO CU AMOR MATERIALISTA

Materialismo ta pica, materialismo ta idolatria, materialismo ta pone hende stima cos mas cu Dios, y ta pone mas atencion na locual cu nan tin, y ta ninga nan amor pa prohimo.

Ta duro pa mira con e mundo ta bira dia pa dia, mas materialista, hende ta bisa cu nan stima otro, pero despues ta sali na cla cu tin otro interes den tapara, y esey ta e material cu e persona tin.

Asina cu dos hende ta casa, cu nan ta pone nan bienen nan separa, no tin amor, materialismo a presenta, pasobra ora un persona ta stima di berdad, e ta confia Dios pa nan crecemento no pa nan caida.

Tin cosnan cu ta duro pa nos compronde con hende ta laga material cumpra y domina nan bida, y nan ta pensa cu semper nan lo ta rico, semper orguyoso, nunca nan tin mester di ningun hende, y nan ta lubida cu ora cu nan muri nan no ta bay cu nada.

Pasobra amor pa placa ta rais di tur sorto di maldad, y algun hende, door di desea esaki, a desvia for di fe, y a traspasa nan mes cu hopi dolor. (1 Timoteo 6:10).

Y e a bisa tene cuidao y warda boso di tur golosidad, pasobra bida di hende no ta consisti di e abundancia di e cosnan cu e tin. (Lucas 12:15).

Esun cu ta stima placa, lo no keda satisfecho cu placa, ni esun cu ta stima abundancia, cu su entrada, Esaki tambe ta

vanidad. (Eclesiastes 5:10).

Manera e a sali sunu for di barica di su mama, asina e lo bolbe mescos cu e a sali. E lo no hiba nada, di e fruta di su trabao, cu e por carga den su man. (Eclesiastes 5:15).

Mihor djis un tiki, cu e temor di Senyor, cu gran tesoro y problema hunto cune. (Proverbionan 15:16).

Si nos wak e relacionannan amoroso awendia, hopi ta basa riba material, hopi no ta basa riba seriedad, fiedad y amor berdadero.

Tin un sistema awendia cu un pareha hoben ta bisa cu nan ta frei y caba nan ta biba cu otro, pasobra asina tin cumplimiento di cos hunto y tin relacion sexual den e asunto ta bibamento tin, pesey tambe ora nan ta kibra for di otro ta hopi drama tin pasobra e nivel di bida ta baha, y tur hende ta sa cu e amor tabata materialista.

Como hoben bo no tin cu bende bo culpa pa material, para riba bo culpa, sea serio y puro y mas cu tur cos decente y asina pone hende hanja respet pa bo.

Laga boso karakter ta liber di amor pa placa y sea contento cu locual cu bo tin. (Hebreonan 13:5).

Mi di berdad santidad acompaña pa contentamento ta di gran ganashi, pasobra nos no a trece nada den e mundo, y nos no por hiba nada for di dje tampoco. (1 Timoteo 6:6-7).

Tin hopi confusion amoroso ta bay rond awedia, pasobra ora un mucha homber tin cu mantene su frei cu ta traha tur dia mescos cune, e no sa si su amor ta berdadero of materialista, e no sa si e chick ta cune of e chick tey pa motibo di e cosnan cu e ta hanja of vice versa.

Amor mester ta limpi di materialismo, hasta den



matrimonio, e trato mester ta igual henter luna, no por tin trato di dulsura fin di luna, y durante luna tin trato diferente.

y esnan cu ta practica materialismo den cualkier area di nan bida, ta practicando pica.

Dios libra nos for di bida materialista.

Materialismo ta pica,

CROSSWORD

WORD SEARCH PUZZLE




Halloween

Across

- He swallowed the canary.
- Playground for ghosts.
- What a spider spins.
- Frankenstein has one.
- When ghosts come out to play.
- Scare.
- What the pot might call the kettle.
- October 31st.
- _____ or treat.
- Witch transportation.
- Frightening.
- The Count.
- A skeleton is just a bunch of these.
- Disguise.
- Lives in the belfry.
- Incey wincey is one of these.
- Main ingredient in a popular pie.
- _____ stories.

Down

- Where a vampire sleeps.
- Evil or mischievous creature.
- He hates garlic.
- Samantha for example.
- _____ house.
- Whoa? Whoa?
- Mr. O'Lantern.
- Comes out on full moon nights.
- Might be full, half, or new.
- A boney sort of fellow.
- Fire burn, and _____ bubble.
- When something makes our skin crawl, it's this.
- Found in Egypt.



CHARLA GLAUCOMA

wowo en especial
Glaucoma a duna un
presentacion caminda e la
duna informacion extenso
tocante
Glaucoma. Dr. Angela
Garces ta traha na
ImSan. Durante e anochi
aki publico a haya

grandi na ultimo momento
mester a cambia na un
localidad cu mas espacio.
Un danki na Xavier
University cu a habri porta
pa Aruba Lions Club por
a tene e charla serca nan.
Aruba Lions Club ta
forma parti di Lions Club



Dia 15 di oktober ultimo
Aruba Lions Club (ALC) a
organisa un charla tocante

Glaucoma. Meta di
esaki ta pa informa y
conscientisa pueblo di e

malesa aki.
Glaucoma ta un malesa di
wowo cu si no wordo trata
ta ocasiona cu un hende ta
perde su bista.
Mayoria biaha hende no sa
mes cu nan tin Glaucoma.
Aunke no tin cura, ta bon
pa haci test y keda
bay na e control di
wowo(nan). Ta importante
pa por haya of sigui haya
tratamento pa reduci e
progreso di dañonan
di nervio den wowo cu
Glaucoma ta ocasiona. Dr.
Angela Garces especialista di

oportunidad pa
haci tur pregunta cu nan
tabata tin. Dr. Garces a
enfatisa riba e importancia
di keda bin na e control
nan y tuma remedi. Un
danki special ta bay pa
dokter Garces pa tur
informacion. Debi na e
interes

International. Na Aruba
tin 2 Club cual Aruba
Lions Club ta esun mas
grandi
y ta sirbi comunidad ya pa
78 aña. Un di e meta nan di
Lions Club International y
Aruba Lions Club ta
ofrece concientisacion
riba salud di bista.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO
Di Pueblo

**LEY CU TA LIMITA UZO
DI PRODUCTIONAN DI
TABACO**

**PROTEHANDO
SALUD
PUBLICO**

6 Ta prohibi pa vende of duna
productionan di tabaco na
personanan bou di 21 aña

SOLO
Di Pueblo

ARUBA LIBER DI TABACO

**HALA ROSEA
LIBREMENTE**

PROTEHA NOS COMUNIDAD CONTRA E PELIGERNAN CYBERNETICO

Oranjestad - Nos tin un reto grandi den bentana digital Awendia, nos ta biba den un mundo cu ta cada biaha mas digitalisa. Medio social, internet y aparatonan moderno ta habri bentanan grandisimo pa comunicacion, educacion y trabou. Pero e mesun bentanan aki por bira un porta pa peligro — especialmente pa nos mucha- y hobennan, adulto-y adulto mayornan.

Con trata cu esaki?

E prome paso ta educacion y conciencia. Nos mester compronde cu tur loke ta pasa online no ta semper sigur. Den mundo digital tin hende malintenciona cu ta busca victimanan inocente pa manipula, horta data personal, of te hasta comete crimen digital. Pa trata cu esaki, ta importante:

- Papia regularmente cu bo yiu y hobennan di e peligro riba internet.
- Establece regla cla tocante con pa uzo di red social y aparatonan digital.
- Mantene programa antivirus y software di seguridad actualisa.
- No comparti informacion personal cu hende desconoci.

Con pa reconoce peligernan riba social media y den e mundo cybernetico?

Cierto señalnan por muestra cu algo no ta sigur:

- Mensahe of “friend request” di hende cu bo no conoce.
- Ofertanan cu ta parece “demasiado bon pa ta berdad”.

- E-mail of mensahe cu ta pidi bo password, number di cuenta, of dato personal.
- Link sospechoso cu ta bisa “clic aki” sin splica claramente pa kico.

E hacker y cybercriminalnan ta uza engaño emocional, chantahe, scam financiero, y fake news pa logra nan meta.

Cua ta e miho manera y campaña pa reach out cerca di nos pueblo?

Pa proteha nos comunidad, Aruba por implementa un Campaña Nacional di Educacion Cybernetico, cu ta inclui:

- Charla nan den scol y centro comunitario.
- Programanan educativo riba TV, podcast, medio social y radio.
- Material visual y digital pa adverti riba peligronan online.
- Creacion di un línea di ayudo (hotline) pa reporta abuso digital.
- Colaboracion cu institucionnan di gobierno y priva pa educa tur grupo di edad.

E peligernan cybernetico y su consecuencia

E tiponan di peligro mas comun ta:

1. Cyberbullying – Insulto, menasa of humiliacion riba red social.
2. Grooming – Adul-tonan malintenciona cu ta gana confiansa di mucha pa abusanon sexual.
3. Phishing – E-mail of mensahe cu ta trata na horta bo informacion bancario.
4. Scam financiero – Ofertanan falso cu ta laga bo perde placa.
5. Fake news – Informacion falso cu ta

crea miedo y division den comunidad.

6. Robo di identidad – Uzo ilegal di bo data personal.

Recomendacionnan pa Aruba

- Crea un programa nacional di alfabetisacion digital pa mayor- y hobennan, tambe nos adulto mayornan.
- Promove responsabilidad digital den skol y trabou.
- Establece colaboracion entre polis, scol y ONG pa preveni crimen cybernetico.
- Educa mayornan pa no confia na tur loke nan mira online.

Mensahe final pa nos mucha-, hobennan, adulto- y adulto mayornan

Nos ta biba den un epoca cu e “cybermundo” ta parti di nos bida, pero seguridad digital ta responsabilidad di tur hende.

- Muchanan: No papia cu hende straño online, y semper conta cu bo mayornan y conta nan si algo ta molestiabo.
- Hobennan: Uza bo red social cu respet, sin preocupa di e “likes” of “followers”.
- Adulto mayornan: No haya berguensa pa pidi yudansa, si bo no ta compronde un mensahe of un website.

E mas importante ta mantene confiansa y comunicacionabierto den cada famia. Solamente asina nos por proteha nos pueblo, nos identidad y nos futuro den e mundo cybernetico di awe. Sea huicioso y cuida bo mes, bo yiu y nos adulto mayornan.

“Protege bo mente, bo corason y bo identidad —



STANLEY'S NEWS

tanto den bida real como den bida digital.”



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - October 29, 2025

CAT & CHILI
Sorteo # 4787
4921
3445
7545
MULTI-X
X2
BIG 4
Sorteo # 4787
5822
MULTI-X
FP
OFF
Sorteo # 2843
7852
ZODIAC
Sorteo # 4787
9966
Capricornio
LUCKY 3
Sorteo # 1661
665
MULTI-X
FP

LOTTO 5	Joker Letter
Sorteo #	Proximo Jackpot
0 x Jackpot	210.000,-
0 x Match 4+	
0 x Match 4	
0 x Afl. 12,00	

LOTTO DIA	Proximo Jackpot
Sorteo #	119.000,-
0 x Jackpot	
0 x Match 4	
0 x Afl. 8,00	

MEGA	Mega Ball
Sorteo #	Proximo Jackpot
0 x Jackpot	385.000,-
0 x match 4	
0 x Afl. 500,00	
0 x Afl. 50,00	
0 x Afl. 15,00	

MEGA	Afl. 525.000,-
MEGA TRIS	

KORSOU	Sorteo #



Menopausia: Un Enfoke Integral

Women's Club of Aruba ta brinda un anochi informativo riba Menopausia y Andropausia



Noord, 18 di oktober 2025 — Den marco di su meta pa promové salú y bienestar di hende muhe, Women's Club of Aruba (WCA) a organiza un anochi informativo na MFA Noord cu e tema "Menopausia y Andropausia: Un Enfoke Integral." E evento aki a atraí un grupo grandi


di participantenan, demostrando asina e gran interes y importancia di e tema den nos comunidad. E anochi a cuminsa cu un bonbini caluroso for di Sra. Reina Geerman, President di Women's Club of Aruba, cu a gradici tur esnan presente

pa nan participacion. Sra. Milagros Posner, miembro di WCA, a duna un introduccion cortico y a presenta e prome charla cu e tema principal di e anochi: "Un enfoque integral riba Menopausia y Andropausia."

E presentacion principal a wordo duna pa Dr. Guaicaipuro Jimenez y Dra. Viviana Bustillos, dos especialista den Medicina Laboral cu mas di 20 aña di experiencia como dokternan di control na SVB (Banco di Seguro Social).

Dr. Jimenez a trata e tema di Andropausia den homber, duna un splicacion amplio di e punto di bista medico, cubriendo sintomanan, consecucionan fisico y mental, y algun recomendacion pa mantene un estilo di bida saludable.

Dra. Bustillos a concentra riba Menopausia, explicando e cambianan cu ta tuma lugá den curpa di un muhe 5 pa 10 aña prome cu Menopausia. E a pone enfasis riba e importancia di reconoce e sintomanan y tuma paso preventivo pa evita problemanan di salú



cu por surgi door di cambianan hormonal. Despues di esaki, Sra. Nadine Krozendijk, un transformation coach y autora di e buki recientemente lansá "From Perimenopause to Menopause: How to Love Your Womb," a comparti su experiencia personal. Su testimonio inspirador a motiva e asistente pa mira e transicion di Menopausia cu mas confiansa y busca un balans fisico y emocional.

E siguiente presentacion a wordo duna pa Sra. Denisse Arends, un nutricionista cu un Master of Science den Clinical Health Nutrition, y experiencia amplio den maneho di malesanan crónico. E a enfatisá e importancia di un alimentacion saludable y consciente, indicando cu un dieta "anti-inflamatorio" por yuda alivia sintomanan di Menopausia y preveni efectonan negativo pa salú

despues di Menopausia. Pa caba e anochi, Sra. Sofie Slegers y Sra. Irene van Dalfsen di Qi Gong Aruba a presenta un demostracion di tecnicanan di respiracion y masaje corporal. Esaki ta practicanan cu muhenan a uza durante milenionan pa restablecé balans den curpa y combati sintomanan di Menopausia. Sra. Slegers ta un terapeuta certificá di Qi Gong, un instructor di Tai Chi, y un Energy Healing Facilitator. Women's Club of Aruba ta expresa su gradicimiento profundo na tur e presentadornan, participantenan y miembronan di WCA cu a coopera pa logra un anochi educativo y exitoso. Cu iniciativa manera esaki, WCA ta sigui cumpliendo su mision pa promové bienestar, crecimiento personal y empowerment di hende muhe den comunidad Arubiano.



A PRESENTA MOCION PA ENFATISA CONTINUIDAD Y RESPONSABILIDAD DEN PROCESO DI RIJKSWET



ORANJESTAD (28 di october 2025) – Durante e sesion publico di Parlamento di Aruba teni den transcurso di diamars, Fraccion di AVP a presenta un mocion AVP-Futuro importante cu ta busca

pa afirma e necesidad di transparencia, continuidad y respet institucional den e proceso di e Rijkswet Houdbare Overheidsfinanciën Aruba (HOFA). E fraccion a recorda cu e

Bestuurlijk Akkoord firma riba 4 di juni 2024 entre e gobierno di Aruba y e gobierno di Hulanda, ta e base di e proceso actual.

E acuerdo aki tabata destina pa crea un marco legal sostenibel cu ta busca garantisa estabilidad financiero y socio-economico di Aruba. Den e documento ta cla cu ambos gobierno a compromete pa traha hunto riba un Rijkswet y pa stimula su aprobacion parlamentario.

E mocion a pone enfoke riba e principio di continuidad di gobernacion, destacando cu gobiernonan sucesivo tin un obligacion pa sigui nan compromiso oficial “cu cuidou y responsabilidad,” semper cu esey ta den interes nacional. E fraccion a nota cu e gobierno actual a sigui e trayecto cu den marco di e relacion constitucional den Reino di Hulanda. Den su splicacion, Fraccion AVP a indica cu e

proceso di HOFA apenas ta den su fase parlamentario y cu e opinion oficial di e Raad van Advies di Aruba y di e Raad van State di Hulanda ta esencial pa un decision final cu ta basa riba claridad financiero, huridico y estatal. Den e mocion, AVP a expresa cu e Parlamento di Aruba ta reconoce cu e gobierno di Aruba ta cumpli cu su responsabilidad estatal den e ehecucion di e

acuerdo di 4 di juni 2024. Ademá, a encurasha gobierno pa sigui e proceso den manera diligente y habri, pa cu parlamento por haya tur e informacion y conseho necesario pa un evaluacion definitivo cu conocimiento y madurez institucional. Fraccion AVP ta reafirma su compromiso pa un Aruba cu por enfrenta su futuro cu responsabilidad, sostenibilidad y credibilidad.

ARUBA A PASA DI CODICO GEEL PA CODICO ORANJE DEN E OIL SPILL INCIDENT TRINIDAD & TOBAGO

Aruba tabata monitor for di dia 12 di februari 2024 e incidente pa locual ta regarda Oil Spill na Trinidad and Tobago. Den e fase di monitor aki na Aruba ta wordo considera cu ta den fase GEEL.

Actualmente nos a haya e confirmacion cu na nos ruman isla di Bonaire y Curacao a constata patchnan/teer di e oil spill cu a yega na nan costa.

E situacion aki a pone cu Aruba a pasa pa codico ORANJE cual ta significa cu ta pasa pa standby pa cualkier eventualidad.

E fase oranje aki den e plan di accion pa locual ta regarda Oil Spill pa Aruba ta, cu asina cu Bonaire sinti efecto di un Oil Spill Aruba ta pasa pa e fase ORANJE/standby. Den e fase aki lo pasa na costanan regularmente y monitor si por constata patchnan/teer cu por a yega nan nos costa.

Accionnan cu lo tuma den caso cu constata patchnan/teer di azeta na nos costa:

Accion di limpieza inmediato:

- Si e ta na un di e sitionan cu publico ta landa.
- Si e ta na un di e sitionan cu turtuga tin neishi of cu nan ta uza pa nan neishi.
- No ta tuma accion inmediato
- Tur patch/teer riba barancanan esakinan lo keda si nan no tin risico pa hende of bestia.

Di parti di Crisis Management Office (CMO) Aruba ta haci e yamada na tur persona cu ta bishita nos costanan den e dlanan nos dilanti pa yuda tira un bista pa asina wak si ta detecta cualkier señal di patch/teer di azeta. Den caso cu constata algo por reporta esaki na

- e-mail cmo@crisis.aw
- na telefoon 588-0100
- app +297 592 9600

SOPI DI LETRANAN



HALLOWEEN

C	E	R	T	M	Q	I	F	E
Z	A	U	T	R	A	T	O	S
P	R	L	V	E	M	I	X	Q
R	A	E	A	R	D	C	O	U
A	Ñ	A	M	B	L	N	B	E
J	A	I	P	I	A	E	V	L
U	C	M	I	T	D	Z	S	E
R	A	O	R	O	R	P	A	T
B	I	M	O	T	R	U	C	O

CALABAZA
VAMPIRO
ESQUELETO
BRUJA

TRUCO
TRATO
ARAÑA
MOMIA

SUDOKU

	6	3		8		4		
	9				4			7
4				2				
		7	2		3		5	8
	5			4				
		8				2		4
6						7		
		5		3	6			
	3		8	7			2	6

				8			9	2
4					7	6		
	6		3	2				
							5	
	9				4		2	
3	1					7		
2			8		3	1		
				4	1	9	3	
				6				5

				7	8		4	
	7				5			3
1	4		6					
		5		8		2		
	3				4		7	
	6							5
						8	5	
				6	2			
9		6	5		3			

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

"El a laga recuerdonan super bunita atras y nos ta gradici Dios pa tabata tin un Mama ehemplar y amoroso. Nos tin un ehempel pa sigui y ta roga na Papa Dios pa ilumina nos y yuda mantene nos uni den su memoria. Semper e lo ta den nos curazon".
Cu inmenso tristesa nos ta participa fayecimento di nos Mama, Wela, Bisawela, Suegra, Tanta, Prima, Cuña y Amiga stima:

Sra. Vda. Celsa Sofia Wester-Lacle

"Mama Celsa"

*03-07-1935 – †26-10-2025

Na Nomber di su casa:

†Sr. Margarito Raymundo Wester

Su Yiunan:

Sra. Marlene y Sr. Willem Croes-Wester

Sr. Raymond y Sra. Bianca Wester-Dubero

Nieto y nietanan cu ta su preti wowonan:

Sharlene y Howard Kock-Croes

Ryan Wester y Amy Oduber

Celine Wester y Andre Vidal

Bisanieta stima:

Rayxon Kock

Rumannan:

†Maria y †Jose Vrolijk-Lacle y Famia

†Leonardo y †Emiliana Lacle-De Mey y Famia

†Josefa y †Leonardo Winterdaal-Lacle y Famia

†Bibiano y Helena Lacle-Henriquez y Famia

†Donicio y †Silvia Lacle-Henriquez y Famia

Swa y Cuñanan:

Candi y Celia Wernet – Rasmijn y Famia

Vda. Clara y †Bubu Croes – Wester y Famia

Nana Y Shonle de Mey – Wester y Famia

†Mani y †Shonma Flemming – Wester y Famia

†Mada y Javier Figueroa – Wester y Famia

†Camilio Wester y Famia

Vdo. Padu Wester y Famia

Ina y Coby Geerman – Wester y Famia

Magriet y Marius Cornelissen – Wester y Famia

Milo Wester

Vda. Candida y †Lucius Peterson – Wester y Famia

Diana y Teun Van den Nieuwenhuizen – Wester y Famia

†Sila y Theun Esman – Wester y Famia

Enrique Wester y Famia

Ludwina y Buchi Quandt – Wester y Famia

Co- Suegra:

Sylvia van Looij

Tur su subrinonan, subrinana, ihanan, comer y compernan, amigonan di cas Maria y Jacobo Castro, Alicia Montes Espinosa. Tur su bisñanan di Pabilon, su ayudantenan di cas Lilybeth Guzman y Lola Geerman.

Demas famia: Lacle, Wester, Croes, Dubero, Kock, Vidal, Oduber, Vrolijk, Winterdaal, Henriquez, Anthony, Franken, Maduro, Krozendijk, Wernet, Rasmijn, De Mey, Flemming, Jacobina, Geerman, Cornelissen, Peterson, Van den Nieuwenhuizen, Esman, Quandt.


Nos disculpa si den nos tristesa nos por a lubida un of otro famia.

Ta invita pa compañía nos pa hiba nos Mama na su ultimo lugar di sosiego, diahuebs 30 di oktober 2025.

For di 2'or di merdia te 4'or di atardi nos Mama stima lo ta na Misa Inmaculada Concepcion na Sta. Cruz. Pa 4'or lo tin un respons na Misa Inmaculada Concepcion y despues pa Santana Catolico na Sta. Cruz.

Despues di entiero nos no ta ricibi bishita di condolencia na cas.

Adres pa condolencia: Pabilon 65-B, diaranson 29 di oktober 2025 di 7'or pa 9'or di anochi.



Clasificados



SOLODIPUEBLO@GMAIL.COM
CEL.585 9500



INVITACION TRIDIUM Y FIESTA DI SAN MARTIN DE PORRES


Reverendo pastoor Jozef Pelc y Reverendo Pader Michael Nicolaas hunto cu Comunidad San Martin de Porres y Asistencia Social di Parokia Birgen di Fatima Dakota, ta invita tur deboto, parokiano y pueblo di Aruba en general pa asisti na su tridium cuminsando diabierna awor 31 di October y diasabra 1 november, dia di tur Santo, pa 6'or di atardi den misa. Despues ta sigi Santo Sacrificio di Misa pa 7'or di anochi. Diadomingo, 2 november, dia di tur defunto, nos ta reza den kapel di Santisimo cuminsando 4'or y mei atardi. Misa lo ta pa 6'or di atardi manera custumber. Dialuna 3 november celebracion Fiesta di San Martin de Porres lo ta pa 7'or di anochi. Cuminsando 6'y 20 ta reza Santo Rosario. BOSO presencia ta altamente aprecia.

San Martin "Tata di pobernan" abo cu ta dokter di medicina natural, cura tur enfermo, specialmente esnan cu ta busca nan refugio cerca Bo..
Amen.

Gradicimento & Invitacion

Nos ta gradici tur esnan cu di un manera of otro a compania nos famia den e momentonan dificil aki cu e fayecimento di nos defunto stima.

Boso sosten ta di gran consuelo pa nos curason.



Juan A.C Croes

Mihor conoci como "Ety"

Na mes momento nos ta invita famia, amigo- y conocirnan pa tres Santo Sacrificio di Misa.

• Diasabra 01 November 2025: Misa Inmaculada Concepcion na Santa Cruz.
Tur tres misa ta cuminsa 7:00pm.